



Broj: 02-04-44/24-AP-2  
Datum: 17.01.2024.. godine

Na osnovu člana 60. stav (1) Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17) i člana 10. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022), Gradsko vijeće Zavidovići donosi

### O D L U K U

o izmjenama i dopuni Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići

#### Član 1.

U Odluci o plaćama, dodacima na plaću i naknadama plaće zaposlenih u općinskom organu državne službe Općine Zavidovići („Službeni glasnik općine Zavidovići“, broj: 13/15 i 8/17), u naslovu i u cijelom tekstu riječ „Općinskog“ zamjenjuje se riječju „Gradskog“ i riječi „Općinskog načelnika“ zamjenjuju se riječima „Gradonačelnika“ u odgovarajućem padežu.

#### Član 2.

U članu 12. Odluke o plaćama, dodacima na plaću i naknadama plaće zaposlenih u Općinskom organu državne službe Općine Zavidovići stav 1. u tabelarnom prikazu platnih razreda, radnih mjesta i koeficijenata državnih službenika iza platnog razreda II dodaje se novi platni razred III koji glasi:

Platni razred	Radno mjesto	Koeficijent
III	Interni revizor	5,20

Platni razredi III, IV, V, VI, VII postaju platni razredi IV, V, VI, VII i VIII.

#### Član 3.

Odluka stupa na snagu prvog narednog dana od dana objavljivanja u „Službenom glasniku Grada Zavidovići“, a primjenjivati će se od 01.01.2024. godine.

**PRESJEDAVAJUĆI  
GRADSKOG VIJEĆA**

Admir Fojnica prof.

## OBRAZLOŽENJE

### USTAVNOPRAVNI I ZAKONSKI OSNOV ZA UVOĐENJE ODLUKE

U članu 60. stav (1) Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17) propisano je: „Koficijenti i platni razredi zaposlenih u organima vlasti kantona, općine i grada se utvrđuju Zakonom o plaćama i naknadama zaposlenih u organima vlasti kantona odnosno odlukama gradskih i općinskih vijeća o plaćama i naknadama zaposlenih u općinskim odnosno gradskim organima vlasti“.

### RAZLOZI ZA DONOŠENJE ODLUKE I OBJAŠNJENJE ODABRANE POLITIKE

Gradonačelnik Zavidovići donio je Pravilnik o izmjenama i dopunama Pravilnika o unutrašnjoj organizaciji jedinstvenog općinskog organa uprave Općine Zavidovići („Službeni glasnik Grada Zavidovići“, broj: 13/23), kojim je izmjenjen član 23. Pravilnika o unutrašnjoj organizaciji jedinstvenog općinskog organa uprave Općine Zavidovići („Službeni glasnik Grada Zavidovići“, broj: 1/2022, 2/2022 i „Službeni glasnik Grada Zavidovići“ broj 2/22, 5/22, 5/23 i 11/23 - u daljem tekstu: Pravilnik)).

Članom 23. stav (2) Pravilnika sistematizovano je radno mjesto „Stručni savjetnik za internu reviziju u Službi za internu reviziju.

Izmjenom i dopunom Pravilnika u članu 23. stav (2) Pravilnika izmjenjen je naziv radnog mjesta iz Stručni savjetnik za internu reviziju u Interni revizor, čime je izvršeno usklađivanje naziva radnog mjesta odnosno pozicije radnog mjesta sa opisom poslova koji je utvrđen za navedeno radno mjesto.

U članu 12. Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići („Službeni glasnik općine Zavidovići“, broj: 13/15 i 8/17), za stručnog savjetnika utvrđen je II platni razred sa koefcijentom 4,10.

Imajući u vidu da je došlo do promjene naziva radnog mjesta i pozicije iz Stručni savjetnik za internu reviziju u Interni revizor neophodno je bilo da se donese Odluka o izmjenama i dopunama Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići kojom bi se za radno mjesto Interni revizor utvrdio III platni razred sa koefcijentom 5,20 kako je to i predloženo.

Obzirom da se ne radi o obimnoj i složenoj odluci predlažem da Gradsko vijeće Zavidovići prijedlog odluke razmatra po skraćenom postupku bez nacrtu u skladu sa članom 130. stav 1. Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 – Prečišćen tekst i 1/23).

### USKLAĐENOST ODLUKE S KANTONALNIM I FEDERALNIM ZAKONODAVSTVOM

Prijedlog Odluke o izmjenama i dopunama Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići usklađen je sa Zakonom o plaćama i naknadama u organima vlasti Federacije Bosne i Hercegovine kako po pitanju pravnog osnova za donošenje ove Odluke tako i po pitanju usklađenosti sa platnim razredom i koefcijentom za radno mjesto interni revizor.

Prijedlog Odluke o izmjenama i dopunama Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići usklađen sa Pravilnikom o izmjenama i dopunama Pravilnika o unutrašnjoj organizaciji jedinstvenog općinskog organa uprave Općine Zavidovići („Službeni glasnik Grada Zavidovići“, broj: 13/23).

## OBRAZLOŽENJE PRAVNIH RJEŠENJA U ODLUCI

U članu 2. ove Odluke utvrđen je III platni razred za radno mjesto Interni revizor sa koeficijentom 5,20 u skladu sa Zakonom o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17)

## PROVEDBENI MEHANIZMI I NAČIN OSIGURAVANJA POŠTIVANJA ODLUKE

Mehanizmi za provođenje ove Odluke je Zakon o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17) i Odluka o plaćama, dodacima na plaću i naknadama plaće zaposlenih u općinskom organu državne službe Općine Zavidovići („Službeni glasnik općine Zavidovići“, broj: 13/15 i 8/17).

## OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke planirana su sredstva u Budžetu Grada Zavidovići.

## OPIS KONSULTACIJA VOĐENIH U PROCESU IZRADE ODLUKE

U skladu sa članom 43. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 32/21) u vezi sa članom 1. Sporazuma o produženju primjene Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 5/22) vršene su konsultacije sa Sindikalnom organizacijom državnih službenika i namještenika Općine Zavidovići radi davanja mišljenja po Odluci o izmjenama i dopunama Odluke o plaćama, dodacima na plaću i naknadama plaće zaposlenih u općinskom organu državne službe Općine Zavidovići.

PO OVLAŠTENJU GRADONAČELNIKA  
broj 02-45-9/22-AP-41 od 22.04.2022. godine  
SEKRETAR GRADSKOG  
ORGANA DRŽAVNE SLUŽBE

Nermin Čahtarević, dipl. pravnik

Obradila: \_\_\_\_\_  
(Naila Jusupović)

Kontrolisao: \_\_\_\_\_  
(Nermin Čahtarević)